



## Che sunse pa?

Les families – te dotes söes formes – é por nos le **nojel dla sozieté**. Ares contribuësc te na maniera essenziala al svilup de nosta comunité y de na sozieté, te chëra che dotes les porsones dess avëi söa lerch.

## Nosc travert é chël da sostegní y da raforzé les families de nosc comune.

Te nosc comune sunse:

- **N portausc** por les families;
- **N punt de referimont** por istituziuns, assoziaziuns y organisaziuns por tematices co reverda les families;
- **N post d'encuntada** por les families;
- **Na uniun co contribuësc al svilup** de nosc comune y de nosta sozieté;
- **Na uniun co mostra sö i debojügn** de na sozieté te chëra che al é bel da vire.

## Cai é pa nüsc fins? Cara é pa nosta enciaria?

- I orun **svilupé y raforzé la consapevolëza** che les families á na gran relevanza por le svilup de nosta sozieté y che ares mëss porchël ince avëi l'emportanza aladô;
- Desco **punt de referimont por tematices co reverda les families** laorunse adöm con i aministradus de nosc comune y i mostrun sö ativamonter i debojügn y les esigënzes che les families á te nosc comune;
- I se dun da fá por n **ambiënt te chël che al é bel da vire** y i orun mantegní y mioré la cualité de vita de vignönn;
- Te n spirit de colaboraziun se prounse che le svilup de nosc comune sii n prozes a chël che duc pó tó pert y porchël promoionse **prozesc partizipatifs**;
- I sostegnun y acompagnun le contat y le **barat danter les families, sora les generaziuns y les cultures fora**;
- I ciarun che la spiritualité ciafi söa lerch te nosc comune y i orun dé n contribut por le **mantegnimont dles tradiziuns religiozes**.

## Co orunse pa arjunje cösc?

- Con **referac, manifestaziuns y ativités formatives** sön tematices co reverda les families;
- Con **ofertes por mituns, jogn y adulec tal setur dal svilup dla personalité**;
- Con **aziuns co fej crësce la comunité** y co condúj adöm les families;
- Tres **l'interaziun** con istituziuns, assoziaziuns y organisaziuns;
- Con le **manajé n local**, co dess ester n post d'encuntada por geniturs con mituns;
- Con **ativités por le mantegnimont dles tradiziuns culturales y religiozes**;
- Con le mèter a jí **proiec partezipatifs**;
- Con **aziuns de sensibilisaziun**.




## Co orunse pa realisé nüsc fins?

Deboriada con os!

Nosta strotöra se basëia sön la **cooperaziun y interaziun danter direttif y grups de laur**.

I grups de laur se dá jö con les singoles tematices co fej pert dai fins dal Zënter Families Mareo y ciara che ares vègni realisades.



## Co poste pa colaboré tal Zënter Families Mareo y dé ensiö n contribut emportant por to comune y töa comunité?

- a.) Desco **mëmber dal direttif**  
Desco mëmber dal direttif manajëieste nosta organisaziun, te svilupëies vijjuns y te definësces les directives de söa ativité.
- b.) Desco **mëmber atif**  
Desco mëmber atif colaborëieste te n grup de laur y te das n contribut por la realisaziun concreta de nosc program.
- c.) Desco **sostegnidú**  
Desco sostegnidú este a öna con le program dal ZFM y te sostëgnes söa realisaziun con n contribut anual y con to enteres por les ativités dal ZFM.



## **Raiun de ativité**

Le **Zënter Families Mareo** é atif dandadöt tal **Comune de Mareo**.

Mo i sun ienn a desposiziun da partí nostes esperiones y nosc savëi con porsones de d'atri comuni dla Val Badia y de döt le Südtirol.

Al nes fajess plajëi da podëi Ves salüde tal **Zënter Families Mareo**.

Sce i ëis enteres da mëter da jí na te' organisaziun ince te n ater comune, podëise ienn nes contatté.

## **Contat:**

### **ZËNTER FAMILIES MAREO**

Strada Plan de Coronas 26

39030 Al Plan de Mareo

Codice Fiscale 92031560218

MwSt. 02650260215

Email. [familiesmareo@rolmail.net](mailto:familiesmareo@rolmail.net)